

Broj: 02-14-7-1433/19

Datum: 05.07.2019. godine

Na osnovu člana 69.stav 2. tačka e) , člana 70.stav 1., 4. i 6. Zakona o javnim nabavkama BiH („Službeni glasnik BiH“ broj 39/14), člana 110. Statuta općine Jajce („Službene novine općine Jajce“ broj 3/08) u postupku javne nabavke – otvorenog postupka za dostavu ponuda za nabavku radova koji se odnose na zamjenu i modernizaciju javne rasvjete na području općine Jajce , čije obavještenje je objavljeno na portalu javnih nabavki pod brojem 1190-1-1-7-3-7/19 dana 22.03.2019. godine, te na preporuku Komisije za javne nabavke broj 02-14-7-1433/19 od 28.06.2019. godine, Općinski načelnik općine Jajce donosi

ODLUKU

o poništenju postupka javne nabavke

I

Postupak otvorenog postupka za dostavu ponuda za javnu nabavku radova koji se odnose na zamjenu i modernizaciju javne rasvjete na području općine Jajce, se **PONIŠTAVA**.

II

Postupak otvorenog postupka za dostavu ponuda se poništava iz razloga što je cijena prihvatljive ponude znatno veća od osiguranih sredstava za predmetnu nabavku (član 69. stav (2) tačka e) Zakona o javnim nabavkama BiH).

III

Ova odluka objavit će se na web stranici Ugovornog organa: [www.opcina – jajce.ba](http://www.opcina-jajce.ba) istovremeno s upućivanjem ponuđačima koji su učestvovali u postupku javne nabavke shodno članu 70. stav (6) Zakona o javnim nabavkama BiH.

O b r a z l o ž e n j e

Ugovorni organ – Općina Jajce je provela postupak javne nabavke putem otvorenog postupka za dostavu ponuda za izbor najpovoljnijeg ponuđača za nabavku radova koji se odnose na zamjenu i modernizaciji javne rasvjete na području općine Jajce, čije obavještenje je objavljeno na portalu javnih nabavki pod brojem 1190-1-1-7-3-7/19 dana 22.03.2019. godine.

U predmetnom postupku javne nabavke Rješenjem Općinskog načelnika broj 02-14-7-1433/19 od 28.02.2019. godine imenovana je Komisija za javne nabavke.

Komisija za javnu nabavku je Ugovornom organu dostavila Zapisnik o ocjeni ponuda.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu zaprimljenih ponuda, o čemu je sačinila odgovarajuće zapisnike u kojima je utvrđeno da je blagovremena zaprimljena jedna (1) ponuda i to ponuda privrednog društva:

1. "MALCom" d.o.o. Sarajevo

Neposredno prije otvaranja ponuda Komisija je preuzela izvještaj o preuzimanju tenderske dokumentacije od strane ponuđača i utvrdila da je ponuđač preuzeo tendersku dokumentaciju sa Portala javnih nabavki.

Planirana sredstva za ovu javnu nabavku iznose bez PDV-a **950.000,00**. Obzirom da je ponuđač dostavio cijenu svoje ponude znatno veću od osiguranih sredstava za predmetnu nabavku (ponuđena cijena bez PDV-a 1.272.553,08 KM), Komisija je preporučila Ugovornom organu da se predmetni postupak javne nabavke poništi u skladu sa članom 69. stav (2) tačka e) Zakona o javnim nabavkama BiH).

Ugovorni organ nije našao razloge nepravilnosti niti propuste u radu Komisije koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te je primjenom člana 69.stav 2. tačka e) Zakona o javnim nabavkama, odlučeno kao u članu 1. ove Odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa u roku od 5 dana od dana prijema Odluke.

Svaki ponuđač koji ima legitimni interes u predmetnom postupku javne nabavke, a koji smatra da je Ugovorni organ prekršio jednu ili više odredbi Zakona o javnim nabavkama, ima pravo uložiti žalbu u pisanoj formi u roku od 5 (pet) dana od dana prijema ove odluke u skladu sa članom 99. i 101. Zakona o javnim nabavkama.

Dostaviti:

- Ponuđačima
- Službenik za informisanje
- a/a



Općinski načelnik

Edin Hozan